

Эрхүүгэй можын Баяндайн аймагай Хатар-Хадайн
Е.Х.Ехануровагай нэрэмжэтэ дунда нургуулийн буряад хэлэ ба
литературын багша Бидогаева Лилия Хамакшиновна

Мастер-класс «Бодолой нааданууд»

Үдэрэй амар мэндэ, эрхим хүндэтэ багшанар, журиин гэшүүд!

Минии мастер класс шэнэ үеыншухала асуудалнуудта зорюулагдана. Һүүлэй үенүүдтэ үхибүүднай ород хэлэн дээрэ хөөрэлдэдэг, буряадаар уншахадаа, удхыень ойлгодоггүй үхибүүд ерэдэг болонхой. Би һурагшадые түрэл хэлэндээ дурлуулха, анхарал татуулха гэхэн орёо асуудал урдаа табинхайб.

Үхибүүдээ түрэл хэлэндээ һонирхол татуулжа, зорилготой оньһото онол аргуудые һуралсалдаа тон үргэнөөр хэрэглэхээ оролдодогби. Тэдэ онол аргуудай тоодо нааданай арга ороно.

Минии мастер класс «Бодолой нааданууд» гэжэ нэрэтэй.

- Энэ һонин нааданайгол зорилго- Үхибүүдые ном уншалгада дуратай болгохо, һонирхол татуулха
- Һурагша өөрөө түрэхэн хэлээ үзэхэ, шэнжэлхэ хүсэлтэй болохо ёһотой.

Энэ «Бодолой нааданууд» гэжэ наада болбол хэшээлдээ ба хэшээлһээ гадуур ажалда үнгэргэдэгби.

Минии һурагшад иимэ хэшээлдэ, иимэ наадануудта ехэ дуратай. Ехэ һонирхожо дуратайгаар ажалладаг.

Мүнөө таанараа энэ онол аргатаяа танилсуулха һанаатайб. Хүндэтэ конкурсто хабаадагшад, 9 хүниие уринаб. Гурба гурбаар команда боложо, хоорондоо мүрысэе. Нааданай сэдэбтэй танилсая,

Гурбан бодолой раунд:

- **Юу хамтаруулнаб?**
- **Онһон үгэнүүд онсотой**
- **Ребус таагты**

- Урдатнай байһан зурагуудые хараад, юун эдэниие хамтаруулнаб гэжэ хэлээд, өөһэдөө зохёожо туршахабди.

Зай, эхилэе!

Нэгэдэхи бодолой раунд: Юун хамтаруулнаб?

- 1) Доржи Банзаров /гуурһан ба лагбан, тэргэ морин, Казань/
- 2) Хоца Намсараев /баг, номууд, Бурядад драматическа театр/
- 3) Сагаалган /һара, саарһан/
- 4) Бууза /33 Баатар, Лысэ хада дээрэхи дасан, кафе Шүлэндөө/
- 5) Сагаан эдэе /һүнэй гашуун бактери.../
- 6) Гунга Чимитов /табан хурган, Мухар Шэбэрэй аймаг, ном/

- Буряад оронойнгоо суута хүнүүдээр омогорхожо, ёһо заншалаа үргэжэ ябаял даа.

Хоёрдохи бодолой раунд: Онһон үгэнүүд онсотой.

- 1) «А» - үзэг эрдэмэй дээжэ,
Аяга сай – эдеэнэй дээжэ.
- 2) Зуун түхэригтэй ябанхаар,
Зуун нүхэдтэй яба.
- 3) Хүн болохо багаһаа,
Хүлэг болохо унаганһаа.
- 4) Өөдэнь хаяһан шулуун,
Өөрынь толгойдо бууха.

- Онъһон үгэнүүдые сээжэлдэжэ, ажабайдалдаа хэрэглэжэ ябахыетнай уряалнаб.

Гурбадахи бодолой раунд: Ребус таагты.

- Танай дунда душа сэдхэлтэй хүнүүд олон ёһотой. Дууша хүн – жаргалтай!

1.учитель

2.праздник

3.победа

- Иигээд «Бодолой наадан» гэжэ наадан дүүрэбэ.

Хүндэтэ багшанар! Мастер класстамни хабаадалсаһандатнай баярые хүргэжэ, гар бэлэг баринаб.Тиигээд үнэн зүрхэнһөө элүүр энхые, ажалдатнай амжалтые хүсэнэб, ходо зоной дунда хүндэмүүшэ ябагты. Түрэл хэлээ дээрэ үргэжэ, ёһо заншалаа үхибүүдтээ найнаар заажа ябахамнай болтогой!!!